

HECHONAN HISTORICO


RESTAURACION HISTORICO DI FORT ZOUTMAN Y TOREN WILLEM III

Skirbi na: Josefina Croes

ORANJESTAD(AAN)--Hi storia di Aruba ta bisa cu setenta aña a pasa desde 1796 cu e Fort Zoutman a ser construi y cu na 1867 Willem III Toren a keda erigi, pero e dos structura te asina leu cu Historia ta conta semper a ser considera un Unidad Structural. Willem III Toren a ser construi na rand di Fort Zoutman y durante siglonan pasa tabata practicamente rondona di mondi.

Vloernan traha di concreet na e Toren a worde basha na aña 1937 y e mesun aña Lt. Gobernador Isaac Wagemaker a haci cambionan caracteristico na e Toren cu a permanece te dia di awe. Wagemaker un homber excepcionalmente energetico feliz memoria a ocupa Oficina na Aruba como Gobernador dia 15 di December 1928. Restauracion tabata semper den mente di nos antepasado y un compania constructor cu tabata tin e contract a termina e trabao na Fort Zoutman na Augustus 1974.

Sin embargo ora cu a cuminsa cu e trabaonan na e Toren no a "brace" e murayanan di e toren cu tabata deteriora caba y segun e trabao tabata worde haci pa elimina e vloernan di concreet situa den cuater nivel diferente cu jackhammer e "crack" nan existente na e murayanan tabata empeora. Yen di



miedo y pensando cu e murayanan lo basha riba e trahadornan e manager-supervisor di e compania di construccion a dicidi para e trabao despues di a consulta cu expertonan den e materia. E compania con-

structor a scucha conseho di su expertonan y a hala atras. For di cabamento di Augustus 1974 te cu November 1979 tabata tin un atraso den e trabao di restauracion na e Toren. Un cantidad di contratistanan a worde acerca pa

trata na continua cu restauracion di e Toren pero sin exito. Te hasta algun cu tabata musta cierto interes den e trabao pero mesora cu nan tende cual tabata e problema cu e contratista anterior a encontra nan tabata hala atras.

Finalmente na Januari 1979 Mr. A. van Vianen, Manager di N.V. Bouwmaatschappij Woudenberg un Compania cu experiencia extensivo den trabaonan di restauracion na Antiyas Neerlandes, Surinam (Fort Zeelandia) na St. Eustatius (Fort Oranje) y na Bonaire a pone e Directiva di Cultureel Centrum Aruba na

altura cu nan lo acepta un comision cu lo restaura e Toren Willem III. E Directiva di C.C.A. a acepta e oferta masha contento y negociacionnan cu e firma constructor aki a cuminsa dia 11 di October di aña 1979 kendenan a ricibi e contract pa termina e trabao di restauracion, cual a cuminsa dia 5 di November 1979.

Restauracion di e Fort y Toren a termina felizmente dia 15 di September 1983. Pa e ocasion grandi aki Dr. J. Schouten di Gouda a bin Aruba pa "set-up" e Museum na un manera experto.